

襄陵縣志卷之二十二

祥異

鳳儀獸舞二典紀治平之祥鷓飛石言三傳述怪異之

驗若夫河清星聚嘉禾卿雲莫不因

聖主之當陽斯以召諸祥之畢致條錄往古以及

熙朝可以考風化隆污政治得失云

明

成化二年大饑

襄陵縣志

卷之二十一

祥異

一

嘉靖七年大旱蝗

二麥無收秋禾失望民不聊生知縣張偉開倉賑濟逾歲乃安

八年察院內蓮開並頭者二本一時稱異

十一年歲大侵

災傷最甚亡者枕藉知縣何思申請發粟

二十二年汾水泛漲異常

中流覆舟平陽衛馬指揮淹沒其中小民同沒者衆

二十四年卿雲見

十一月復見

三十四年十二月十二日夜半地大震有聲如雷

壞居廬

舍壓死者九十餘人汾河兩岸地裂成渠寬尺餘或湧沙或湧水自後頻震無時累月乃息

萬曆十四年歲大饑

二十二年學宮火瑞

儒學啟聖祠夜四更有火光自簷下出週繞祠宇忽有聲如雷其光

自敬一亭流入尊經閣前楊樹內光芒上灼約文黎明方已次日官民來視樹葉依然無損識者以

文明之象

二十七年大旱

斗米二錢半山川草木無復寸遺

三十三年水災

汾河泛溢異常一時灘地盡皆潰陷中流忽浪擁起如峯船壞溺死者殆以百

數

四十一年水災

議賑濟屏霍門外晉橋衝毀

崇禎十一年飛蝗蔽日食禾殆盡

襄陵縣志

卷之二十一

祥異

一一

十二年十三年薦饑

旱魃奇虐米麥斗八錢民食樹皮艸根死者枕藉道路人相食知縣

李用質躬歷各鄉勸諭設廠賑粥饑民多賴以全活

國朝

順治九年霖雨浹月

汾流泛漲民舍多漂沒

十一年大有年

十一年蓮並蒂

城南荷香亭畔蓮開並頭其莖挺出馨艷異常是年科名最盛

康熙二十七年奉

恩詔錢糧全免

二十九年九月二十五日地微動

三十年旱 六月蝗發 帑賑濟

三十一年旱蝗大饑蠲糧有差

三十二年大有麥

三十四年四月初六日戌時地震

有聲如雷城垣學宮公署民居傾覆殆盡

死者不可勝計數日後黑青見暮夜攫人多被傷者知府王 詳請奉

旨發帑賑濟又給貧民蓋房銀每間一兩又給埋瘞銀犬口二兩小口七錢五分

三十七年旱饑奉

襄陵縣志

卷之二十一

祥異

三

恩詔錢糧全免

五十九年春大霾塵積見錢形是歲旱秋無禾至六十年六月不雨斗米八九錢不等木皮艸根剝掘殆盡總

憲朱 奉

旨賑濟六月二十七日大雨秋禾大稔民有起色

六十一年旱饑

雍正三年日月合璧五星聯珠

四年南閩廂民粟星奇一舉生三男

乾隆元年大有麥

八年閏四月初八日夜有大流星自東轉於西北光
照地聲震如雷移時方息夏大暑

十年正月十二日有大星晨墜自東而西傾之有聲
二十年大有年麥有秀兩歧者

五十年旱麥禾歉收

五十八年大有年

嘉慶九年旱饑奉

襄陵縣志

卷之二十一

祥異

四

旨開倉平 秋停征

十年秋復旱奉

恩詔撫恤賑濟蠲緩錢糧

十八年地震 塌捐民房甚衆

道光元年五星聯珠

十二年秋大水 南關廂屯里村被害較重冬大雪

十五年三月霾風四起

十七年六月 城南荷香亭蓮開並頭

二十三年六月 荷香亭蓮開並頭

二十五年夏六月朔夜天鼓鳴有大星從東北隕於西南

咸豐三年正月十九日寅時天紅如血 夏六月南梁村關帝廟鐘不擊

自鳴是日午大雷雨河水暴發秋八月粵匪寇平陽陷郡城逼襄陵汾水暴漲數尺賊始去

六年冬地震 日三四次

同治二年桃李重華

三年八 日冠珥

襄陵縣志

卷之二十一

祥異

五

六年夏月 南梁村關帝廟鐘不擊自鳴冬十一月捻匪竄入縣境逼掠鄉村

七年夏大有麥秋冬豺狼噬人

十年夏麥秀雙歧

光緒三年大旱二麥不登秋無禾 米麥斗三兩有奇民饑乏食樹皮草根挖

剥殆盡甚有食乾泥者
餓殍盈野道路人相食

爵撫憲曾 奉

旨賑濟蠲免本年下忙錢糧

四年春大瘟民間死亡益衆夏無麥秋成復歉奉

恩詔錢糧全免加賑恤灾民

五年秋田鼠食禾奉

旨蠲免本年下忙錢糧冬豺狼噬人

六年大有麥秋歉收

襄陵縣志

卷之二十一

祥異

六

方聞

永嘉中有韓媪燕村人於野中見巨卵持歸得嬰兒
四歲劉淵築平陽城不能就募能城者此兒應募變爲
蛇令媪以灰誌其後憑灰築城果如所言淵怪之逐蛇
入平山穴中露尾數寸斬之有泉出穴遂名金龍池
賈庄佛寺金碧輝煌且甚幽邃每於日中闔門向窻隙
窺之見佛像懷中大松一株翠葉萋萋啟戶視則無有
也

父老傳云有白犬不知何來晨夕出没崖山之上田夫
野豎見而怪之率衆突追犬遂躍入崖穴不見乃掘得
小洞內有二郎神像傍一小犬宛然肖所追者衆方駭
異以爲神明見靈此地因構廟祀之今其地名爲二郎
溝

普救將赴京都預示弟子六月十九日雨罷時予卽歸
山抵京揭唐太宗祈雨榜要皇后爲洗足雨始得唐宗
從之遂以穢水上潑霖霖頓注唐宗曰此真普救雨於

是普救謝而歸時六月十九也今逢其期多雨俗呼爲洗足雨今普救寺在大尖山

鄧殷爲淮南太守夢行水邊見一女子猛獸自後斷其盤囊占者謂水邊有女汝字也斷盤囊者新獸頭代舊獸頭也不作汝陰當作汝南也果遷汝陰太守

秦地一病夫遇醫療之不取謝第令立券囑云俟痊赴襄陵龍澍峪來謝後其人如約及至峪瞻禮神像宛肖前醫挿於爐原券伏其中始知爲華大王之靈異

萬曆中西梁村賈人販於海外歸里日臨岸見二道人眉宇軒豁骨格俊異謂曰吾與若鄉里也若可寄吾家信及詢居址乃曰第過岸啟視吾函卽知吾居矣客登舟驚浪拍天舟不沒者版寸許閱日始渡海啟函止硃書子房送舟四字同舟人因於岸立子房公廟

萬曆年間興樂寺集諸僧翻誦藏經屢月事竣勒碑博一石磨之達摩妙相見焉金玉交輝愈磨愈光噫嘻偶爾哉匪獨石奇而事亦奇矣 縣令陳勗贊曰於維

石出自姑射露矣青蓮宛若天竺維石可瞻質以崑
錘曇花繚繞逼真海南倬彼貞珉霞燦雲叢丹青炳
巧奪天工異兮靈光金玉其相吾爲爾贊永庇堯襄